

# CORONA TEST

graubünden.  
grischun.  
grigioni.

## 11-13 da december

NUS FASCHAIN CUMINAVLAMAIN ILS TESTS **BERNINA | ENGIADINA BASSA/VAL MÜSTAIR | MALOJA**

**Be cuminaivlamain pudain nus surmuntar la pandemia da corona a moda svelta e durabla. Durant la fin d'emna da test en las regiuns Bernina, Engiadina Bassa/Val Müstair e Maloja han tut las personas la pussaivladad da far gratuitamain in test.**

### **Nua vegn testà?**

Ils tests vegnan manads tras en las regiuns Bernina, Engiadina Bassa/Val Müstair e Maloja. I dat 23 staziuns da test. Sut [www.gr.ch/corona-test](http://www.gr.ch/corona-test) u sin la pagina-web da la vischnanca correspondentia inter-vegnis Vus nua exactamain ch'ils tests vegnan fatgs.

### **Cura pon ins laschar far in test?**

Ils tests han lieu ils 11, 12 ed ils 13 da december 2020, mintgamai da las 8 fin las 18 uras.

### **Quant custa il test?**

Il test è gratuit.

### **Tgi po laschar far in test?**

Tuts! Era giasts ed abitantas ed abitants d'autras vischnancas èn envidads da sa laschar testar gratuitamain. La vegliadetgna minimala da 10 onns vegn recumandada. Ils minorens ston vegnir accompagnads d'in genitur.

### **Ston ins s'annunziar?**

Gea. Per garantir in decurs efficient ed evitar temp da spetga a las staziuns da test èsi necessari da s'annunziar. Vus pudais eleger online il termin ch'è adattà per Vus sut [www.gr.ch/corona-test](http://www.gr.ch/corona-test).

### **Sustegn per s'annunziar?**

Vus pudais era annunziar autras personas, sco per exempel auters commembers da la famiglia. En cas da basegn As laschai gidar da Vossa famiglia u da Voss enconuschents. N'avais Vus naging che po As gidar? Alura As annunziar per plaschair sut la hotline 081 254 16 00.

### **È il test obligatoric?**

Na, la participaziun è voluntara. Però gida mintga participaziun da franar il virus.

### **Tgi fa ils tests?**

Ils tests vegnan manads tras da personal specialisà medicinal. Las mesiras da distanza e d'igièna vegnan sa chapescha resguardadas.

### **Tge gener da test vegn fatg?**

I vegn fatg in test spert d'antigens. La prova vegn fatga cun agid d'in sfrusch dal nas e da la gula.

### **Tge stoss jau prender cun mai per laschar far il test?**

Vus stuais prender cun Vus ina carta d'identitad valaivla / in pass valaivel ed il code (QR code) che Vus avais retschavì sco confirmaziun d'annunzia. Quel po vegnir stampà u era mussà cun il smartphone.

### **Quant ditg cuzza il test?**

L'entira procedura al lieu cuzza ca. 15 minutas. Grazia a l'annunzia è in decurs planisabel e senza incaps pussaivel. Vus na stuais betg spetgar al lieu sin il resultat da test. Suentar circa 30 minutas survegnis Vus in sms cun Voss resultat da test.

### **Tge èsi dar far, sche mes test è positiv?**

Era en quest cas retschavais Vus il resultat per SMS. Nus As tramettain ultra da quai infurmaziuns davart l'isolaziun e tge mesiras che Vus stuais prender.

### **Tge èsi dar far, sche mes test è negativ?**

Il test è ina registraziun da la situaziun mumentana. Sche Vus survegnis sintoms, As annunziat tar Voss medi. Respectai vinavant las mesiras da l'UFSP: purtar mascrina, tegnair distanza e dischinfectar ils mauns.

### **Nua datti ulteriuras infurmaziuns?**

Sut [www.gr.ch/corona-test](http://www.gr.ch/corona-test) chattais Vus ulteriuras infurmaziuns sco era il formular online per l'annunzia.

Per las dumondas che na vegnan betg respundidas sin la pagina-web pudais Vus contactar il team da la hotline sut il numer 081 254 16 00.



Kanton Graubünden  
Chantun Grischun  
Cantone dei Grigioni

## **CUMINAIVLAMAIN CUNTER CORONA**

### **Cura vegnan ils tests fatgs?**

**11-13 da december 2020**

**8.00-18.00 uras**

### **Hotline**

**081 254 16 00**

**#grischunfatests**

**[www.gr.ch/corona-test](http://www.gr.ch/corona-test)**

**S'annunziar  
per il test da  
corona –  
online, spert  
e simpel**

